

紫蓋山紫玄洞照洞天仙官

天目山太極玄蓋洞天仙官

梳源山白馬玄光洞天仙官

金華山金華洞元洞天仙官

海上東嶽廣桑山青帝洞仙官

海上南嶽長離山赤帝洞仙官

海上西嶽麗農山白帝洞仙官

海上北嶽廣野山黑帝洞仙官

海上中嶽崑崙山黃帝洞仙官

元始上帝再告左右侍真曰吾今遣太一真人

齋此經散布萬國九州徧使人天禮念延

生保命集福消災若有奉道之民遇三元八

節本命生辰轉禮三清寶號十方真人名位

者身堅體固永保長生獲福无量冲妙先生

燒香朝謝金闕上帝而獻頌曰

挺秀雍熙運 日奉至尊前 身居龍鳳闕

名籍繼諸仙 燒香謝天陰 長誦希夷篇

千生臻百福 列位清微天 永處逍遙境

長享福自然 太上靈寶朝天謝罪大懺卷之三

太上靈寶朝天謝罪大懺卷之四 露

爾時元始上帝在大羅天上玉京金闕紫微

天臺大會群仙敷演妙法救度天人咸使悟

道不歷諸苦施大威德放大光明普照萬國

一切罪福俱在目前甚深微妙方便開度一

切地獄窮鬼苦毒无量痛楚難言並蒙恩救

拔不溺沉淪咸得超度是時

元始上帝慈悲廣洽更開要道使過去未來

俱霑利益再告左右侍真曰人之累生同資

一氣及乎誕育命係三元壽夭吉凶富貴貧

賤因緣罪福善惡生死各逐宿命根源悉有

報應隨其業力永不差移如影隨形似聲應

響上元正月十五日天曹天官主錄百司上

詣天闕進呈世人罪福之籍七月十五日中

元地官主錄百司上詣天闕進呈世人罪福

之籍十月十五日下午元水官水府百司上詣

天闕進呈世人罪福之籍三元之日與三界

十方四司五帝善惡童子一切靈官上朝金

闕元始座前考校男女生死之籍罪福因緣

及九幽地獄水府窮鬼姓名黑簿此時若有

善信男女能發自然道意建造紫微寶臺玉

京寶山樓閣臺榭百寶莊嚴香花供養燒香

行道吟詠洞章然燈放生步虛法事布施發

願謝過上章大建齋醮虔告天地晝夜不急

者吾當遣十天真人諸天神仙三界四司救

苦靈童下降人間齊到道場為其減罪保佑

生人使國土安寧男女歡泰眾善齊降諸惡

不生地獄苦鬼一時解脫克生天上快樂无

為率土太平功德巍巍獲福无量

元始上帝再告左右侍真曰吾見十方无極

世界十方天王造三十二層天臺寶盤悉以

紫金珠玉錦綉紫網寶蓋紫節旌幢百花飲

食器物百珍仙樂搖曳徧滿虛空來詣道場

羅列供養爾時天尊以神通威力變此會中

國土悉是琉璃洞徹內外皆同一色遠近平

等不殊三界十方同霑福慶喜樂難言九幽

罪對五苦停酸國土安寧人民長壽

元始上帝再告左右侍真曰下界若有善信

男女請道士法師常於三元節日宣說經戒

罪福因緣懺悔自己受身不淨臭穢四大淨

脆假合念念無常三業六根構造諸惡漸染  
 成愆輪迴生死墮落三塗九幽地獄受諸苦  
 惱吞火食炭饑渴煎煮足履刀山手攀劍樹  
 磴磨確擗鋸解錐刺鐵鳥啄睛鐵犁耕舌牛  
 頭亂拷鐵杖負身膿血流離身體爛壞沉淪  
 黑闇流轉泥犁負石填河晝夜拷掠一入鄴  
 都地獄萬劫難原皆是衆生業力自受若有  
 善信男女能發善心為七世祖稱及見存已  
 身父母骨肉五苦三塗窮竟餓鬼畜生囚徒  
 老病衆生造玉京高座紫微天臺掛幡獻花  
 百珍供養醮謝星宿拜表上章禮懺燒香滅  
 諸罪源咸皆超度  
 元始天尊告左右侍真曰若有善信男女於  
 三元節日為一切人天建造齋醮轉經禮懺供  
 養天尊神仙列曜星宿地府百司為祖考父  
 母發片善心精誠不退過去未來三世父母  
 獲福无量滅諸罪祀  
 元始上帝告左右侍真曰吾見下土兆民多  
 有凶禍邪鬼所害可為先亡祖考父母尊親  
 五臟之日是天地開赦宜建齋行道禮懺上

章救拔先祖咸得超度獲福无量正月一日  
 天臘之日五帝神仙集於青天寶華林青  
 靈閣中校定世人罪福之籍五月五日地臘  
 之日五帝神仙集於丹天梵寶昌陽丹靈未  
 闕校定世人罪福之籍七月七日道德臘之  
 日五帝神仙集於金門素靈閣中校定世人  
 罪福之籍十月一日民歲臘之日五帝神仙  
 集於玄天洞陰黑靈閣中校定世人罪福之  
 籍十二月遇臘日是王侯臘之日此日五方  
 五帝集於玄都玉京元靈戊己金闕元始上  
 帝八景殿中校定世人罪福之籍此五臘日  
 皆是天地合積之日定吉凶死生簿籍若有  
 男女為過去先祖父母禮懺上表謝罪滅除  
 黑簿罪目升度七祖父母入名上清皆得超  
 度夫五臘日者皆生人九祖父母幽獄鬼冤  
 此日為酆都北陰大帝引出責問父處陰司  
 年代積罪結業端由及子孫姓名墳墓所在  
 如積劫未有追贖因此日延累生人引問得  
 子孫親姻九族姓名為生人罪狀積業幽司  
 九族延滅此日可為先祖亡過父母上表懺

謝宿愆追拔幽塗皆亡人一一得之常日祭  
 祀不可得連為酆都幽深難為通徹沐醮具  
 獻皆得宿愆解釋幽司不欲久滯死鬼久滯  
 則天曹責及幽司官吏亦責及生人轉福為  
 禍災難自此而生若有至孝男女此日修奉  
 齋醮即黑簿除名獲福无量皆得超度  
 元始上帝告左右侍真曰下界衆生識見不  
 同習惡造善根基各異今說要言各宜信奉  
 若衆生好殺害損傷者即以慈悲門攝之若  
 偷盜劫奪財物者即以分義門攝之若邪淫  
 放蕩者即以貞潔門攝之若慳貪吝惜者即  
 以布施門攝之若瞋怒鬪爭者即以歡喜門  
 攝之若愚癡顛倒者即以方便門攝之若綺  
 言浮華者即以簡正門攝之若妄語虛誑者  
 即以信順門攝之若惡口咒詛者即以誦念  
 門攝之若兩舌惡罵者即以讚歎門攝之若  
 飲酒食肉過度者即以齋戒門攝之若誹謗  
 毀辱者即以講說門攝之若倨傲輕慢者即  
 以禮拜門攝之若剛強豪健者即以柔弱門  
 攝之若不信罪福宿命者即以因緣門攝之

若執繁有無者即以中道門攝之若是非彼我者即以平等門攝之若貪濁穢汙者即以清淨門攝之若堅固不移者即以輪轉門攝之若造作不休者即以無為門攝之若局守不變者即以圓轉門攝之若躁競不安者即以靜定門攝之若煩惱不釋者即以解脫門攝之若憂悲不樂者即以逍遙門攝之以此二十四門常攝一切眾生不亦樂乎

元始上帝曰吾本以無攝為攝勸化眾生眾生既悟亦無攝因若能持奉獲福无量

元始上帝再告左右侍真曰下界兆庶若有清信奉道之民為九祖先遠父母幽竟或於古觀靈壇或在本家淨室建三清寶座點七曜明燈燒香行道吟詠洞章轉禮經懺大醮諸天精誠不怠者吾遣太乙救苦天尊於九炁天宮開七寶雲樓青簡金文出天尊懿號下降人間徧使人天禮念為闡落九幽長夜玉匱之函使七祖超度寬上南宮神仙接引逍遙無為獲福无量是故燒香歸身歸命五體投地

志心朝禮

五清聖境虛無自然元始天尊  
 上清真境太上道君靈寶天尊  
 太清仙境太上老君道德天尊  
 太上昊天至尊金闕玉皇上帝  
 南極星主紫微上宮天皇大帝  
 中天星主紫微中宮北極大帝  
 承天效法厚德光大后土皇地祇  
 南極長生大帝統天元聖天尊  
 東極青華大帝太乙救苦天尊  
 貞明大聖九天應元雷聲普化天尊  
 九天雷祖大帝除災濟物天尊  
 紫微碧玉宮太一天帝保制劫運天尊  
 六天洞淵大帝伏魔上上太一天尊  
 六波天主帝君普施法潤天尊  
 九天可韓司丈人朱陵度今天尊  
 九天採訪使應元保運妙化天尊  
 東方九炁天中青靈始老洞空天尊  
 南方三炁天中丹靈真老洞清天尊  
 西方七炁天中皓靈皇老洞虛天尊

志心朝禮 北方五炁天中五靈玄老洞微天尊  
 志心朝禮 中央一炁天中玄靈元老洞真天尊  
 志心朝禮 北方玄上玉宸天尊  
 志心朝禮 玄明真仙天尊  
 志心朝禮 玄會慈恩天尊  
 志心朝禮 朱光妙果天尊  
 志心朝禮 妙果四極天尊  
 志心朝禮 元凝十華天尊  
 志心朝禮 運明靜行天尊  
 志心朝禮 運明真文天尊  
 志心朝禮 妙果正因天尊  
 志心朝禮 黃道運明天尊  
 志心朝禮 法海寶福天尊  
 志心朝禮 運明太虛天尊  
 志心朝禮 萬行靜定天尊  
 志心朝禮 金相凝神天尊  
 志心朝禮 靈融應體天尊  
 志心朝禮 上運智道天尊  
 志心朝禮 靈真丹天天尊  
 志心朝禮 運明妙空天尊







吳江水府之神龍宮官屬

楚江水府之神龍宮官屬

荆江水府之神龍宮官屬

揚子江水府之神龍宮官屬

湘江水府之神龍宮官屬

松江水府之神龍宮官屬

南江水府之神龍宮官屬

漢江水府之神龍宮官屬

元始上帝再告左右侍真曰吾今降下此經

散布十方世界徧使人天禮念獲生生福滅

世世罪所求皆遂所願皆成世間若有奉道

之民善信之家每遇本命生日八節三元燒

香禮誦大建齋醮諷誦三清寶號真人名位

上願三公輔弼將相家察拜表上章迎祥集

福永臻富貴長保遐齡冲妙先生燒香朝謝

金闕上帝而獻頌曰

天生明哲 來齋昌期 氷稜玉峭 鳳質靈姿

變調元化 力資雍熙 農歌綠野 兵戢四夷

長臻五福 永集天祺

太上靈寶朝天謝罪大懺卷之四

太上靈寶朝天謝罪大懺卷之五 靈蓋

爾時金闕大聖元始上帝在九清妙境五雲

天宮御寶雲玉座大會群仙敷演真一妙法

廣度群生咸使超悟是時太上道君太上老

君與諸天大聖妙行真人九天上真四司五

帝一切神仙皆駕五色瑠輪八景翠輿飛雲

寶蓋十絕靈幡龍旂鳳葆燒香散花遊空步

虛吟詠洞章旋遶劫仞寶臺朝讚齊唱元始

上帝咸皆欣慶是時至尊以大威德放七寶

神光照耀太空中及元極世界九幽長夜地

獄善惡報應一一皆見于時東方九炁天君

侍真靈官上朝金闕于時南方三炁天君侍

真靈官上朝金闕于時西方七炁天君侍真

靈官上朝金闕于時北方五炁天君侍真靈

官上朝金闕于時中央一炁天君侍真靈官

上朝金闕列班焚香進呈天下兆庶生死罪

福之籍須臾萬變宮殿臺榭皆悉水精琉璃

珊瑚琥珀雕琢莊嚴麒麟獅子備衛左右各

赴寶座講說罪都地獄生死之錄忽聞地獄

死鬼受對考罰痛聲號絕又見死鬼託冥

間之中鬼官不錄是時五帝上問此輩罪人

是何業報受拷痛切難任伏願天慈特垂赦

度

元始上帝謂帝君曰下元生人死鬼受考為

前生不忠不孝君臣不義父子不慈不敬三

尤不信罪福欺師謗道反逆宗親廣殺物命

縱恣貪淫司命奪算壽無定年死竟報對劫

盡无解此人為前生耽酒嗜肉殺戮无度不

造善功專行不道年算未盡被六天洞宮鬼

神乘人罪繫放其毒疫天傷人命水火盜賊

疫癘刀兵危難困苦官私口舌枷鎖追寒令

人所為不遂年月歲久遭遇不少又見風雷

之獄常有黑風震雷霹靂飛戈衝突罪人分

散肢體穿穴五臟萬劫受苦晝夜不息又見

火醫之獄有諸罪人吞火食炭為火所燒頭

面焦燎頭戴火山皮膚骨肉節節生火萬劫

受苦晝夜不息又見金剛之獄有諸罪人金

錘鐵杖亂拷无數肢體爛壞筋骨零落鐵叉

穿腹金錘塞心萬劫受苦晝夜不息又見淚

冷之獄有諸罪人沉沒寒冰劒戟霜刃衝斷